



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67



Priyanka Chatterjee "Quantico" shooting naah an sukhliem-IP4

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/95

Churachandpur

email : hmasawannatharnews@yahoo.com

Phone: +91-3874-236846

Rs 6/- per copy

CHANCHIN LAKTAWI

Dan anga action lak a ni ding

IMPHAL: Churachandpur Police Station huop sunga silai licence nei, Police station-a la sielut lo hai chu an rang thei anga CCPur Police Station-a sielut ngei ngei dinga inhrietir an nih. A sielut naw hai chu DC, CCPur Order le dan anga hrem le an silai licence hai hren-tang or khuokhir pek ning an ti tiin SP, CCPur chun zanikhan inhrietirma a siem.

Awareness-cum-Hep. B&C Testing camp

CCPUR: Young Mizo Association (YMA) Chiengkon Branch le EkPrayaas Comprehensive Interventions to Measure Improve Patients Outcome (CIMI) thangruolin zani 10AM a inthawk khan Chiengkon-pang Community Hall-ah Awareness-cum-Free Hepatitis B & C Testing Camp nei a nih. Hi huna hin EkPrayaas han hisen test tul hai an test a, Hepatitis B&C hmua um hai kuomah counselling pek ning an ti. EkPrayaas hi Bangalore thangsana um Biocon company an nih.

Orientation an nei

CCPUR: Division Baptist Children Department (DBCD), Lamka South Division, EBC chun zani 10AM a inthawk khan NLBC Biekim, Elim Veng hmuna Sinsaktu Orientation-2017 an nei. Resource person in Pastor T. Daikhankhup, area Pastor a thang a, Rev. B. Chinkhengoupau, Child Coordinator, EBC infuina thu a hril a, Sunday School inchuktirtu mi 350 vel an thang.

Rukru an huongintau

CCPUR: Tulai hin CC-Pur khawpui le a sevel haiah rukru an huongintau hle. Zani khawm khan hmun pahni haiah rukru Kamsuankhap (40) le Siamthanmuan (35) s/o Suakvung of Ngathal, College Veng hai man an nih. Kamsuankhap hi a ruolpa Mangminlian (30) of Ngathal le Jamsuan Road-Tawna Road junction bula T. Vumzalang zawngta inru tum an ni a, Mangminlian hi a tlan hmang hman leiin man a ni nawh. Rukru mana um pakhat lem Siamthanmuan hi meihawl inru a nih. An pahni hin drugs addict No. 4 inkap hlak ve ve an nih.

HT weekly-tOon

"In hriet tlat ding chu ei party hrat thei dan ding, election hma le election tawm haia chu mipui lungril hne theina ding ding kha hril le thaw pei ding, sukpuittling thei naw khawma a paw der nawh. Chuchu politics fedan hrim a nih, ti hriet tlat ro."



Zu mana um hai suksiet an nih



CCPUR: Churachandpur Police han hun iemanichen liemtaa inthawka CCPur khawpui le a se vel hmun hnan hrana Zu an man hai chu zanikhan Excise Department kuta pekdawk an ni a, zani ma khan Mini Secretariat, Tuibong hmuna 407 Truck hmangin phursuk le, hi hmuna hnuoi cho khurin Inspector RK Anil Kumar Singh, Officer-in-Charge, CCPur Police station inrawinain suksiet an nih. Zu mana um hai hi December 24, 2016 le January 14, 2017 inkara man an nih.

September 21, 2016 nia Mr Rakesh Balwal, IPS, SP, CCPur in L. Mangkhogin Haokip, IPS a inthawk SP, CCPur charge a lak hung khan Zu zawr le uoulau taka dawn hai a hung enka tan a, 11th Manipur Legislative Assembly Election hung um ding leiin Zu zawr khapna hi hung sukh-rat zuol a ni a, chu le in-zawma hmun tum tum dapnaa

CPWA General Body meet-Election nei



CCPUR: Civil Pensioners' Welfare Association (CPWA), CCPur chun zani 11:00AMkhan Synod Hall, IB Road, CCPur hmuna 32nd General Body meet-cum-General Election an nei.

Upa S. Lalngailien in tawngtainaa hun a hawng zovin HL Hminga, President in lawmlutna thucha a hril a, Upa S. Vungsing inrawinain kum 2016 sunga member thina tuok 20 hai sunna hun hmang a ni a, Election Officer inrawinain kum 2017-19 sunga CPWA thuoitu ding hai thlangna nei a nih.

Election-a hin mi 6 thlangtling an ni a, inthlang-

Pherzawl an pan tawl

CCPUR: Pherzawl District Celebration Committee (PDDC) hmalaknaa January 16, 2017 nia Pherzawl hmuna Pherzawl District lawmna ruoi le ropui taka nei tumna le inzawmin district lawmnaa thang dingin

District officials le midang dang hai chun zanikhan Tuihaphai suksanin Pherzawl District an pan tawl. Pherzawl District lawmna hi Pherzawl Community Hall, Pherzawl Manipur hmuna hmang ding le sun le zanin lawmna programme hi hmang ning a tih.

NEW DELHI: Indigo Airlines in New Delhi-a um India hmarsakbiel (NE) mi, khawsak harsa zuol, vanguarduoina leia Delhi hmuna thi hai ruong a thlawna phur dinga remtina chungah Union Minister of State (Independent Charge) for DoNER), MoS PMO, Personnel, Public Grievances, Pensions, Atomic Energy and Space Dr Jitendra Singh chun lawmum a ti thu a hril. Hi thila ding hin Airlines hai popo kuoma ngenna siem a ni a, Indigo Airlines in ngenna inrang taka a hung dawnletna chungah lawmthu

Workshop for Media Persons on MCMC nei Political Advertisements thuah Media hai chu MCMC Certify chau insuo dinga ti an nih

IMPHAL: 11th Manipur Legislative Assembly Election, 2017 hung um ding le inzawmin Chief Electoral Officer (CEO), Manipur Office huohawtnain zanikhan State Academy of Training, Takyelpatnah One Day Workshop for Media Persons on Media Certification and Monitoring Committee (MCMC) nei a nih.

Hi Workshop a hril thupui tak chu Paid News le Political Advertisements chungchang a nih. Workshop a hin print le Electronic media haia Editors, Reporters le Correspondents hai an thang tawl.

Ei ram siemthatna ding



le Democracy sukhratna dinga Media hai hmalakna le sinthaw chu lawmum le ngaisangum a ti thu, Paid News laka insieking ding-gin Ngangom Uttam, State Nodal Officer, Manipur

Manipur CSOs hai RN Ravi an inhmupui ding

IMPHAL: Indian Interlocutor RN Ravi in Manipur Civil Society Leaders hai January 20, 2017 nia New Delhi hmuna inhmupui dinga a fiel le inzawmin Manipur CSOs leaders hai chu RN Ravi inhmupui dingin an inpei tah.

Manipur-a Economic Blockade hum sawt takel

MPP seats 39 ah an ngir ding

IMPHAL: 11th Manipur Legislative Assembly seats 60 uma inthlangna hung um dingah hin Manipur People's Party (MPP) chun seats 39 ah an ngir ding niin S.K. Maimom, State Returning Officer, MPP chun a hril. MPP hin Manipur-ah sawrkarna an lo chel ta a, chu huna Chief Minister sin lo chelhai chu

UZO Special Assembly nei



CCPUR: Zanikhan Zogal Hall, Zogal Memorial Complex, Zoveng, CCPur hmuna United Zou Organization (UZO) GHQ Special Assembly, 2017 nei a nih. Hi huna hin Block 14 haia Unit 170 a inthawk palai 227 an fekhawm a, anni hai baka hin Zou hnam sunga Pawl dang dang thuoitu hai le Officers hai an thang tawl.

Hi huna hin UZO President Chhinlunthang khawmin presidential address a hril a. Bills leia MLA boycott-a um hai boycott an la nizing thu fekhawm

huna hin a hril.

Model Code of Conduct ngaipawimaw le zui ding, political advertisements hrim hrim MCMC in an remtipui (certify or media certification nei-hai) chau insuo hlak dingin R.K. Dinesh, Additional CEO, Manipur chun media hai a hril. Model Code of Conduct bawsie an um chun toll free number "1950" hmanga report pe nghal dingin Media hai a ngen bawki. MCMC thuah sawiselnna 450 a lut ta a, hienghai lai hin Adversisement thu a thangsua a, hi lei hin Media hai chu fimkhur dingin R.K. Dinesh chun an hrietir tawl.

Hostel-a inthawk nau-pang 40 an tlanhmang

IMPHAL: Thoubal College bula RUDA Academy hostel-a um nau-pang 40 hai chu zani hmasa zan khan hostel-a inthawk an tlan hmang. Thakhat vel liemtaa school authorities han Class X student pahni hnaawtdawk an ni dodalnaa student hhai hi hostel-a inthawka tlanhmang an nih tiin ei thu dawngna

Police inhrietir hlak dingin



NEW DELHI: Pawisafai phurlawn velna thuah Assembly Election nei ding states 5, Uttar Pradesh, Punjab, Uttarakhand, Manipur le Goa CEO-hai chu Election Commission in Director General of Police or Commissioners of Police hai inhrietir hmasa hlak dingin an hrietir.

Bank pakhata inthawka Bank dang or Banks or Currency Chest or ATM haia pawisa siesawn dinghai chu Police venghima khau le burip tak hnuoia thaw ding a nih tiin ECI chun thusuok a siem. Ni kum khawm khan Tamil Nadu -ah ECI Surveillance teams in vengthu um lova Trucks

HYA Imphal JHQ Election nei

IMPHAL: Zanikhan Kum 2017-19 sunga HYA Imphal Jt. Hqrts thuoitu thar ding thlangna nei a ni a, President dingin Lalrothang Keivom, Vice President John Francis, Secretary- Dr Zarzosang Varte; Asst. Secy. DZ Mihriemate; Finance Secretary Thangthatling Sintate; Treasurer Lalthuoiien Pakhuongte; Inf. Secy. Lalbuotsai Zote; Art & Culture Secy. Julie Vanlalsang le Games & Sports Secretary dingin Fimrothang hai thlangtling an nih.

Intlangna hi HYA GHQ President Pu Laldawnlien Varte le Tv. Alan Famhoite hai inrawina hnuoia nei a nih.

IE a biel 6 haiah VVPAT

IMPHAL: Manipur Assembly Election hung um dinga hin Imphal East district a chun Assembly Constituencies 6 haiah voter Verifiable Paper Audit Trial (VVPAT) hmang ning a ta, Manipur a ding chun a hmasa takna ding a nih tiin Ningthoujam Geoffrey, District Election Officer, Imphal East chun a hril. VVPAT hmanga dinghai chu Yaiskul, Heingang, Khurai, Kshetrigao, Thongju le Wangkhei A/C hai a ni ding a nih.

KCP C-in-C Imphal phurlung

IMPHAL: Jan. 12, 2017 nia Delhi Police han Mayor Vihar, New Delhi-a an man KCP Poirei Meitei group Commander-in-Chief Khioim Ranjit alias Great Macha (35) of Yairipok Laimanai, PS, Yairipok, Thoubal District chu Jan. 13, 2017 khan New Delhi-a inthawk Imphal hung phurlung a nih. Cases hnan hnan awr lai 13 a nei nia hril a nih.

Dr Jitendra Singh in Indigo Airlines an pak

NEW DELHI: Indigo Airlines in New Delhi-a um India hmarsakbiel (NE) mi, khawsak harsa zuol, vanguarduoina leia Delhi hmuna thi hai ruong a thlawna phur dinga remtina chungah Union Minister of State (Independent Charge) for DoNER), MoS PMO, Personnel, Public Grievances, Pensions, Atomic Energy and Space Dr Jitendra Singh chun lawmum a ti thu a hril. Hi thila ding hin Airlines hai popo kuoma ngenna siem a ni a, Indigo Airlines in ngenna inrang taka a hung dawnletna chungah lawmthu



hrlin Indigo Airlines chu an pak hle thu a hril. Indigo Airlines Vice President Shri Vikram Chona chun zanikhan Dr Jitendra inhmupuiin Indigo Airlines chu NE itya Ghosh lekthawm "Aakhri Aahuti" hnuoia NE mi Delhi-a thi hai ruong a thlawna phur an remtina thu inzielkana an hlan a nih. A lekthawm a hin Indigo Airlines chu NE

bielah Guwahati, Agartala, Dibrugarh, Dimapur le Imphal haia an sevice thu a zieklang sa bawk a nih.

Mr Vikram Chona chun, Aakhri Aahuti' hnuoia a hmasatnaknain tulai hnai khan Manipur mi Delhi a um thina tuok ruong chu Imphal chenah a thlawna phur a lo nita thu Dr Jitendra Singh hi an hrietir bawk.

Ruong phurna ding Sum le pai harsatna leiin Delhi hmuna vanguarduoina leia thi NE mi tam tak chu Delhi hmuna an ruong vui a lo ni hlak a nih.

CHANCHIN
LAKTAWI

Paswan Hospital-a inthawk a suok tah

PATNA: Lok Janshakti Party President le Union minister Ramvilas Paswan (70) chu zanikhan dam takin Hospital-a inthawk a suok tah. Mr Paswan hi January 12, 2017 a kha thuk harsatna a nei leia PARAS HMRI Hospital-a Cardiology unit ICU a enkawl a um a nih.

CISF in zangnadawmna Rs. 25 lakh puong

AURANGABAD: Aurangabad district, Bihar a Central Industrial Security Force (CISF) hai laia inselbuoina leia kaphlum Balbir Singh a sungai chu zangnadawmna Rs. 25 lakh pek dinga ti a nih. Buoina an tuok laia lo theltu le, buoina dang suok ta lo dinga hmalatu CISF jawan Rajesh Kumar khawm lawmthu hriina in Rs. 25,000 inhlan ani a, CISF ADG R K Mishra in inhlanna a nei.

CISF hai inselbuoina le inthawna chen tlungna chungthu chu suichingna nei mek ani a, Balbir chu lungril buoina nei met le inenkawl dinga chawl hni lai mek ani thu hrii ani a. CISF sunga buoina tlungna san le, inthawna hiel tlung chu uluk taka suichingna nei a, thiltaw suoltu chu hremna a phu tawp pek ani ding thu CISF thusuok chun a hrii.

IS han Afghanistan In 60 an raw

KABUL: Islamic State (IS) terrorist hai chun zani hmasa zan khan Afghanistan-a Nangarhar province-a Kot district-ah mihriem chengna In 60 lai zet an raw niin zanita official thusuok chun a hrii. Hieng In rawa uma cheng hai ruok chu an lo insaseng hman leiin thi le hliemna tuok an um thu hriet a ni nawh.

Trump Whisky bottle pound 6,000 a zawr



GLASGOW: US President-elect Donald Trump in hming a signed na Whisky bottle vang takel chu zani hmasa khan Glasgow hmuna auction hunah pound 6,000 zeta zawr a nih. Hi whisky bottle hi kum 2012 a Aberdeenshire hmuna Trump International Golf Links hawngna hrietzingna le inzawma siem a nih. Auction huna hin Macallan bottle chu pound 10,000 a zawr a ni bakah Black Bowmore bottle chu pound 5,200 a zawr a ni bakw.

MHA in paramilitary forces hai harsatna intlun rin lo dinga hrii

NEW DELHI: Border a um security forces hai fak le dawn an pek a tha tawp nawh tia sawiseln siemtu BSF constable Tej Bahadur Yadav chu a nuhmein a thlawp a, a pasal thuhrii chungthu chu Central Bureau of Investigation (CBI) in suichingna nei hai sien a nuom thu a hrii. Tej Bahadur Yadav le a thuhrii chu ni tlawme liemtah a inthawk khan mi ngaiven a hlaw hle a, social media site a hai video siemin thedar khawm ani ta bawp a nih. Sawrkar thlungpuiin security forces fak le dawn ding a ngaita a intumin, abikin border laia posting haiin fak tha an fak phak naw niin Yadav chun a hrii a nih.



Yadav a nuhmei Sharmila chun, a pasal a thuhrii chu BSF nilovin CBI in suichingna nei dingin a hrii a, BSF chun an hming thatna ding ngaituo in thudik khawm a suklang ngamaw anlau leia CBI chu suina neitu dingin a dit a nih. Sharmila chun ni 2 liemtah a inthawk a pasal leh an inbiekpw thei ta naw thu a hrii bawp. "BSF hai press hmaa an trawng phal nisien, thuruk po po a puong suok vawng ding a nih" tiin Sharmila chun a hrii. Prime Minister's Office chun Yadav a thuhrii ang iengkhawm a tlung naw thu a hrii a, Ministry khawmin fak le dawn hai chu a tha thei ang taka siem ani thu transfer niin, Home Ministry thupek angin BSF a intelligence wing haiin investigation an thaw mek a nih. Chuong lai zing chun, Home Ministry chun paramilitary forces hai harsatna chu ngaiven a, fak le dawn le thil dang dang haia harsatna an nei hai chu anrang thei anga sukfel hlak dingin a hrii a. BSF, CRPF, CISF,

Congress symbol pathien anga hmu leia EC-ah complain

NEW DELHI: Congress Vice President Rahul Gandhi in an party symbol a hmu mawina le anpakna thu leiin BJP thuoitu hai lung a t hawng hle. Rahul chun congress symbol chu pathien le mi thienghlim lim anga a hmu thu a hrii a, Uttar Pradesh a BJP hai chun state election commission inhmupuiin sawiseln an theltu pha a nih.

BJP delegates hai chun Rahul Gandhi thuhrii lai video chu CEO kutah an pek a, a thuhriina a chun Supreme Court in sakhua le hnam thil vote zawngna a hman lo dinga thupek a siem a bawsiet niin an intum a nih. Rahul chun zanita pary function an nei laiin, an party symbol kutpâr chu pathien lim anga a hmu thu a hrii a nih.

A ngaizawngpa kaphlum ani leia nupui pakhat mani inthat

BENGALURU: Bengaluru a nupui kum 32 mi chu a ngaizawngpa kaphlum ani leiin ama le ama an that. Mani inthat nupui chu Shruthi Gowda niin, nau pahni nei lai ani a, a ngaizawngpa chu Lawyer sinthaw le kum 34 mi Amith Keshavamurthy a nih. Amith kaphlumtu ni dinga ringhla Kaggalipura a land developer Gopalkrishna (78) le a naupa Rajesh Gowda (33) (Shruthi Gowda pasal) hai chu police in an hrehtang mek.

Shruthi Gowda in zantieng swift car var chawi suoka Amith lam a hmun friel an pan lain, car dangin a pasal Rajesh le a pa chun an hnungah an zui ruk niin police haiin an hrii a. Acharya Group of Institutions-ah chawla car an park le inruolin, Rajesh chun motor kawtkhar chu suini, a nuhmei le a ngaizawngpa chu a ko suok nia hrii a nih. Chuong lai chun Rajesh a pa Gopalkrishna in a license revolver hmaning Amith chu a kap nia hrii ani a, silaimu chu Amith a awm vawitieng le changtieng a lut ve ve leiin, an pahni a an kap am mi pakhat chauin a kap ti chu hrietchieng a la ni hrii nawh. Amith an kap phingin Shruthi chun Saphagiri Hospital, Hesaraghatta Main Road-ah inrang takin a tlanpui nghal a, san hman ni lovin a borat zui nghal a nih.

Amith chu a ngaizawngpa Shruthi Gowda leh car sunga an um laia kaphlum niin, ama chu nau pasal kum 3 mi nei lai a nih.

Shruti chu Amith a thi a hriet le inruolin a tlanhman nghal a, darkar khat hnungin a sungai chu Nesara Lodge-ah a um thu a hrii a. A sungahain a umna lodge kawt an hawng thei naw leiin, hotel management an inhawngtir a, kawt an hawng chun Shruti chu bedsheet hmaning ceiling fan-ah inkhaihlum sa a hmu a nih.

ABU International Television Dance Festival tan

HYDERABAD: Asia-Pacific Broadcasting Union (ABU) International Television Dance Festival chu Hyderabad ah wawisun tan ning a ta, rambung hnan hrii a, an inthawk Dance Artists fekhawm haiin traditional le contemporary dance hai inentirang nei an ti. ABU International Dance Festival chu a wawikhatna ding ani a, rambung hnan hrii inthawka dance artists hung hai chu mi 120 vel niin, Maldives, Afghanistan, Sri Lanka, Uzbekistan, Philippines, Vietnam, Cambodia, Fiji le Indonesia a mi hai an thang. Indonesia a inthawk artists 36 haiin perform an ta, Indian artists 20 haiin perform bawp an ti. Rambung tina traditional le contemporary a finalist pahni peiin ABU International Television Dance Festival grand finale ah inelna nei an ti. ABU Dance festival chu khawvel rambung hnan hrii inthawka culture inanglo tak

tak hai pholangna ding le, culture tum tum hai chu inzawmkhawm vawng ei ni zie suklangna dinga buotsai niin, Union Information and Broadcasting Minister M. Venkaiah Naidu event hawngna nei a ta, Prasar Bharati, India's Public Service Broadcaster hmalakna a huoihawt a nih. Festival chu DD India, DD Bharati, DD Urdu, local DD Saptagiri le DD Yadagiri channels haiin vawizantieng dar 5:00PM a inthawk live a insuo ning a ti.

NRL 2,281 tonnes Bangladesh-ah

SILIGURI: Bangladesh a thawn ding railway rake High Speed Diesel (HSD) 2,281 tonnes chu pei fel ani ta, a kar nawk Ningani hin NRL Marketing Terminal, Siliguri a inthawk Parbatipur Depot, Bangladesh Petroleum-ah thawn ning a ti. NRL chu 42 wagons a thun niin, India ram 253 km le Bangladesh 265 km, a rengin 516 km tlan ding a nih. Rêl chu Parbatipur, Bangladesh tlung dingin Rangapani, Singabab le Rohanpur hai a fetleng

ding a nih. Nikum khan India le Bangladesh haiin petroleum trade a inzawmna nei dingin sirbi thar an siem a, a bul tanna dingin March 17, 2016 khan Minister of State for Petroleum and Natural Gas, Dharmendra Pradhan in Numaligarh Refinery Limited, Siliguri Marketing Terminal a inthawk thautui phurtu Rêl vailiemna a lo nei a nih. Numaligarh Refinery Limited (NRL) le Bangladesh Petroleum Corporation (BPC) haiin Sale-Purchase Agreement an ziek a, an thuthlung ziek chu Siliguri le Parbatipur inkara 1 million metric ton per annum (MMTPA) um theina 131-km pipeline siem dinga ti a nih. Pipeline siem dinga an thuthlung a puiling hmaa Rêl hmanga thautui phur chu la thaw phawt niin, pollution le loss tam hlak sukbona dingin pipeline chu siem zo vat ani ta ding niin ei thu lakna chun a hrii.

Naute a ni laia inrukhmang kum 18 hnungin dama hmu nawk



JACKSONVILLE: Naute a ni laia Jacksonville, Florida hmuna hospital-a inthawka inrukhmang Ms Kamiyah Mobley chu kum 18 mi a ni hnungin tulai hnai khan South Carolina hmuna hring le dama hmukir nawk a nih. Ms Kamiyah Mobley hi July 1998 a kha thuoimhang a ni a. Hi nuhmei naupang thuoimhangna le inzawm hin Gloria Williams (51) chung a case siem a ni a, tuhin Ms Mobley hi hming dang inputtirin a Ms Williams chu nu angin a um a nih. Jacksonville Sheriff Of-

fice chun, DNA test thaw naa inthawk Ms Mobley nina indik tak le a nu le pa indik tak hai sukchieng a ni ta thu an hrii. Ms Kamiyah Mobley hi darkar 8 chaua upa a ni laia University Medical Center, tuta UF Health Jacksonville hmuna health care worker nia inhril nuhmei pakhatin a lakhmang a nih. A nu Shanara in khawsik a nei leia a hriseln enfel dinga hospital-a a thuoii, chu huna inrukhmang a nih. Ms Mobley dama hmu a ni thu hi a piengna nu le pa hai khawmin an hriet ta pa, an hlimin an lawm hle niin Jacksonville Sheriff Office report chun a hrii.

Khandu in minister 3 a laklut

ITANAGAR: Arunachal Pradesh Chief Minister Pema Khandu chun zanikhan Minister thar pathum lalutin a cabinet a suklien. Zanita minister-a laklut thar hai chu Alo Libang, Bamang Felix le Mahesh Chai hai an ni a, zani ma khan Raj Bhavan, Darbar Hall-ah Governor V. Shanmuganathan hmaah minister dinga sesamna an nei nghal. Arunachal Pradesh-a Peoples Party of Arunachal (PPA) chu sawrkar CM Pema Khandu thangin PPA MLAs 43 laia 33 han BJP an zawm leiin December 31, 2016 a inthawk khan BJP sawrkar hung ni ta a ni a, tuhin Arunachal Pradesh Assembly members 60 umnaah BJP MLAs 45 an um a nih.

Festival hmangtu hai PM in chibai a buk

NEW DELHI: Prime Minister Narendra Modi chun zanita India rama state tum tuma festival hnan hrii hmangna le inzawmin mipuihai chibai bukna thu a puong. Makar Sankranti festival hmangna chun himma le lawmna an tlan a beisei thu a hrii a, mipuihai tadinga vaneina le hlawtingna intluntu ni dinga a ditsak thu a hrii bawp. Tamil Nadu mipui hai chu Pongal an hmangna le inzawmin lawmna chibai a buk tawp a, Megh Bihu hmangtu Assam mipui hai khawm lawmna chibai buk ve in, Gujarat mipuihai Uttarayan chibai a buk bawp. Prime Minister chun, hmuntin ramtina festival hmangna um haiin India hmang a sukropui thu a hrii a, India mipuihai lawmna sukuoeltu niin, hnam hnan hrii le mizie chihnan hrii hai inlunguolna chu India hratna ani thu hriin, hieng festival lawmna hai hin sin inrimtaka thawtu loneitu hai hringnun ah lawmna le hlawtingna a belsa ngei a nuompui thu a hrii.

Amarinder Singh Punjab CM khing ding

NEW DELHI: Punjab Assembly polls neina dingah Punjab Congress Chief Amarinder Singh chun, Punjab Chief minister Parkash Singh Badal a tlingna constituency Lambi-ah ngirin, Punjab Chief Minister a khing ding thu a hrii. Amarinder chun Patiala constituency a ngir ding angin a hma kha an hrii a, Lamba a a ngir ding chu twitter hmanga a puong niin, official taka sukuok vat ani ding thu a hrii. Amarinder chun congress in remtina a pek chun, Patiala le Lamba constituencies haia a ngir ve ve ding thu a hrii a, Punjab sukhmasawna dingin CM Parkash Singh Badal chu khing thlak ngei a tum thu a hrii a. Hi chungthu a hin Congress president Sonia Gandhi le vice president Rahul Gandhi le hrii thaw inbiekpuina a nei th thu a hrii bawp. Punjab chief minister le Shiromani Akali Dal (SAD) thuoitu Parkash Singh Badal chun, liemtah Nanganani khan Lamba constituency a dingin nomination a file tah a nih.

UP le Punjab -ah Tripura State Rifles tir

AGARTALA: Uttar Pradesh le Punjab haia Assembly Election neina a security sin thaw dingin Tripura State Rifles (TSR) battalion 2 tir an nih. Commandants Pinaki Samanta le Kerry Marak hai inrawina-in zanikhan Tripura an suoksan tah. Election Commission remruotna angin Punjab ah TSR hai chu duty phawt an ta, chu zovin Uttar Pradesh election neina ah duty nawk an ti. TSR chu counter-insurgency trained force an nina le inzawma Home Ministry thupek zua UP le Punjab a duty dinga fe an nih.

AGALEA SCHOOL
Nehru Marg- Rengkal, Churachandpur, Manipur
ADMISSION NOTICE
14th January, 2017
Admission is opened for the following classes-
1) Li'l Tots- Below 2 ½ years old
2) Preparatory
3) Nursery
4. K.G.
* Classes commence from 6th February, 2017
* Limited seats available
(15.17) **Sd/- Headmistress**

SKIN SPECIALIST
Dr C. Laldinthari (Tete-i) MD (Dr Biakdiki nau), d/o C. Liandailova Thingkangphai chuan, Kerala University hnuaiha DLV (Dermatology, Leprosy, Venereology) zir zovin, Trisur Medical College-ah kum khat a thawk hnuah a lo haw ta.
Vun natna eng pawh, Vun lama harsatna nei chuan pan thei a ni e. Zahneihkunga building, Hebron, New Lamka, Ngathal Junction-ah.
Booking No. 8413942924 (from 10:00AM)
(15.16)

SP leader Ashok Pradhan-in BJP zawm

NEW DELHI: Samajwadi Party thuoitu le National General Secretary Ashok Pradhan chun zanikhan Bharatiya Janata Party (BJP) a zawm. Ashok a ruolin ama thlawptu iemanizatin BJP an zawm veh a, BJP National General Secretary Arun Singh le Bhupendra Yadav hai hrietpui le an uopna hnuoia BJP chu zawm a nih. Ashok chu BJP MP hlui le Union Minister of State lo chel tah niin, BJP a zawm nawk chu "ghar wapsi" (mani in-a kir nawk) niin an hrii a, Samajwadi Party a um chu a nghawk tah thu hriin, Uttar Pradesh a SP party buoina leia ning intel um a ti thu le, health services thua chierna a tam thu le mining mafia hai an active thu a hrii. 1996, 1998, 1999 le 2004 hai khan Ashok chu Noida-Khurja seat a inthawk BJP Lok Sabha member dinga thlang tling ani a, Atal Bihari Vajpayee sawrkarna hnuoia Minister of State mawphurna a lo chel ta bawp. Ashok chu 2014 a Lok Sabha polls tawm chara BJP suoksan niin, tuta a zawm nawkna hin Assembly polls hunah west Uttar Pradesh tieng BJP a sukhrat pha hle ring a nih.

Iraq sipai le IS terrorist hai an inbeituo



BAGHDAD: Iraqi Special Operation Forces (ISOF) le Islamic State (IS) terrorist hai chu zani hmasa khan Mosul University hmuna nasa takin an inbeituo. Mosul University hmun hi Iraq rama IS hai stronghold pakhat le a tawpna tak a ni a, Iraq sipai hai hin IS terrorist hai hnawthang vawng le IS han hi lai hmun an awp-bet mek lakkir nawk tuma an va beinaa inbeituona hi tlung a nih. Hun iemanichena inthawk IS han hi lai hmun hi laa an lo umchil ta a ni a, Chemistry laboratories chu chemical weapon siemnaa an hmang niin Iraq official thusuok chun a hrii. Iraq sipai hai chun hmun pawimaw leilak le building hai an lak ta bakah IS terrorist tam tak an kap hlum ta niin an hrii.

Air show huna fighter tuoksiet tuokah Pilot a thi



BANGKOK: Zanikhan Thailand rama annual Children's Day le inzawmin Thailand military chun Hat Yai hmuna air show an nei a, hi huna indo vuongna (fighter jet) pakhat chu changsuolin a tla thla a, a pilot in thina a tuok niin defence ministry spokesman Major General Kongcheep Tantravanich chun a hrii. Hi thil tlunga thina tuok Pilot hi kum 35 mi a ni a, fighter jet hi Swedish siem JAS 39 Gripen Jet a nih. Prime Minister chun hi thil tlunga thina tuok Pilot sung le kuohai le Royal Thai Air Force hai chu a tuorpui thu a puong. Thailand rama chun annual Children's Day hi kum tin January thla In-rinni wawihinna zata nei hlak a ni a. Hi huna hin students le thalai hai ta dingin military hmunpui hai chu hawng hlak niin, students hai chun ralthuom dang ding le Tanks chung haia kaiin an insuklim hlak a nih. Hi ni hin Zool le Museums hai khawm naupang hai ta dingin lut man um lovin hawng a ni hlak a nih.

Pakistan Social Activist pakhat an hmang nawk



ISLAMABAD: Pakistan-a chun zani hmasa khan rights activist Samar Abbas chu a umna chin hriet lovin an hmang nawk. Ama le hin Pakistan-a rights activist an umna chin hriet lova inhmang chu mi 5 an nitah. Samar Abbas hi IT worker le anti-militancy Civil Progressive Alliance htu tak a ni a, January 7, 2017 a kha Karachi khawpui tlung a ni a, sienkhawm tuhun khawlam a um ti hriet lovin a bohman nawk ta a nih. Ama inrawinaa minority rights humhalna dinga Civil Progressive Alliance hi an indin a ni thu a thawpui Talib Raza chun a hrii.

harsatna an tuok rawp hlak thu an hrii a. United Nations le Amnesty International chun activist 5 zet inhmangna thu hi an ngaimaw thu an hrii. Pakistan ram hi journalist hai ta ding khawma khawwela a titumna tak rambun pakhat a ni ve a, journalist thenkhat hrehtang, vuok le that an lo ni rawp hlak a nih. April, 2014 khawm khan TV anchors inlar takel Hamir Mir chu tu ti hrietlo silai chavi han an kap a, sienkhawm hai hi hmukir nawk vat an ni ding thu Senate a hrii. Pakistan-a rights activist hai chun security le Taliban hai thangin helpawl hai laka

Priyanka Shooting naah an suk hliem



LOS ANGELES: Priyanka “Mary Kom” Chopra (34) chu a Hollywood film pakhat, American Broadcasting Corporation (ABC) show “Quantico” shooting an thaw lai an suk hliem lein damdawiin panpui a nih a, treatment thaw hnungin a suok nawk. ABC thupesawngtu hrii dan chun, a hliemna hi an rik bek nawha, shooting khawm kâr thar chu a sunzawm nawk thei ding niin a hrii.

“Baywatch” star ni baw, Mary Kom lem hnesaw taka changtu Priyanka chun, taksa infit taka um zing a pawimaw zic a hrii zing lain thaw taluo ding ruok chu inveng a tha tiin a hrii hlak a. Chün, a film-a stunt (action) hai hrim hrim chu ama ngeiin thaw a nuom thu a hrii baw. “Women’s Health” magazine le interview an

thawnaa chun. “Ka stunt hai lein infit taka ka um zing a ngai a. Ka taksa hriselna le instinet hi kan ngatna a nih” tiin a hrii. “Mihai chun i taksa rawl ngai la chäng rawh, an ti hlak a. Kei ruok chun ka taksa rawl ka ngai ve nawh. Ka taksa in a mi ngai chang lem a nih. I taksa dungzuin chäng rawh an tia kei chu ka lungrii dungzuin ka taksa ka thunun a nih. I hrät nawha hai hre tha la, i hrät nahai hman tangkai la, tlan hlak rawh” tiin a hrii.

A manager hrii dân chun, “Sin a thaw nasa taluo a, stunt popo khawm aman thaw vawng a tum a. Chawl dinga ti khawmin a chawl mei mei nuom nawh a. Tuhin chu sawnawtea chawlhadam a ta, hung tha nawk el a ti. Chawlhadam a pawimaw a nih” tiin a hrii.

Johnny Depp le Amber In the Fel Tah

LOS ANGELES: January 13 hi vangduoina an vangneina, Johnny Depp ta dingin vangduoina le Amber Heard ta dinga vangneina a nih. Thla nga neka sawt Amber Heard-in a pasal Johnny le inthe a ngên hnungin, Jan.13 khan Los Angeles County Superior Court chun an inthena ding thu a suk-felpék tah.



Court thurêl dungzuin kum 53-a upa Johnny hin kum 30-a upa a nuhmei Amber \$7 million pe’ng a ta, an ui pahni Pistol le Boo, an sakawr pahni Arrow le Ford hai khawm nei thei baw a tih. Johnny chun Los Angeles, Colorado, Kentucky, Paris le Bahamas-a an in le lohài le motor chi hran hran 42 hai chang a tih. Johnny hin \$200,000 a pék tah a, a bäng po chu tu kum sünga pék tlak ding ti a nih. Pawisa po hi Feb 2018 hma ngeia pék tlak ding a nih.

kâr thu sukfel a nuom niin a hrii baw.

Johnny le Amber hi thla 15 vël chauh an innei hman a. Chu sung chun Johnny hin nun a råwng em em a, May 2015 lem khan chu a mobile phone-in a deng a, phone khawm a se vawng a, Amber khawm kut a thlak baw niin a hrii a. Chu china inthawkin Johnny laka inthawka inthefel char a nuom tah niin a hrii a. Mâkman \$7 million hi chu naupanghai t hangpuina ding, charity pék a nuom leia a ngên chauh niin a hrii.

Hienglai zing hin an inmâkna sukfel a ni charin Johnny chun a business manager The Mandel Company chu sin a thawfel zo nawh tiin \$125 million case a siem khum a. A nuhmei hlui Amber lakah a sum ngirhmunhai an lo hrii niin a hrii.

Zoey Deutch le Avan Jogia In the

LOS ANGELES: Mi thinkhat an inhuol lai thinkhat an lo inthe nawk a. Kids’ Choice Awards 2012 a inthawka inhuia inzui char char, Zoey Deutch le Avan Jogia hai chu kum 5 zet an inzui hnungin tulai khan an inthe nawk tah niin E! News chun a hrii.



An inthena san tak hriet a la ni nawa chu, “thla li liemta khan an inthe a, Amiruokchu, ruol tha angin an lan pawl zing” tiin a hrii. Deutch (22) le Jogia (24) hai Kid’s Choice Award a inthawka inhuia le inthe ta lo hrim hrim an nih a. An chanchin hi tlang hriet an pholang ngai nawa chu tuhini hriet a hung ni ta hrii.

tan nia hrii a nih. An pahniin Sundance Film Festival ah an film “Before I Fall” ti tle “Rebel in the Rye” an lo inlang kawp tah baw a. Kha ti lo chu thlang hriet an lan pholang ngai nawh.

Kha hma khan Jogia chun, “Mipui vântläng hmaa in pholang chun, i khawtlang nun bâkah i private nun chên phawrlang tumin an bei ding che a nih ti hi ka ring det tlat a. Amiruokchu, khawtlang nun phawrlang lo tho lo chi a um hlak a, ngaisam el chi khawm niin ka hriet chuong nawh” tiin a hrii a. Tuta an inthena thua ruok hin chu comment iengkhawm a la pek nawh.

“The Exorcist” Ziektu William A Thi

LOS ANGELES: American author le filmmaker, 1970s le 80s laia a film ziek “The Exorcist” leia inlâr William Peter Blatty chu kum 89 mi niin zani khan a thi tiin director William Friedkin chun Twitter hmangin a puong. “William Peter Blatty, ruoltha le unau – The Exorcist siemtu chun zani khan muol a mi lo liemsañ tah” tiin.



hlâwting em a, critics han “classic horror movie” tha taka an hrii a nih.

William hin a lekhabu (novel) “The Exorcist” kha 1971-in a ziek a. A hlâwting hle lein kum 2 hnungah cinema siem dingin a screenplay a ziek baw a. A film hlâwting lein a screenplay zieknaah 1973 khan Oscar Award a dawng nghe nghe a nih. Production tieng harsatna neu neu um sien khawm a film a hung suok meu chu a

A nuhmei Julie Alicia Blatty chun, blood cancer chi khat, “multiple myeloma” lein Bethesda Hospital, Maryland ah enkawl a nih a, hi taka thi niin a hrii. Horror movie thlahrang film ziektu ve tho Stephan King chun, “Ei huna thlahrang film ropuitak ziektu William Peter Blatty, hâdam takin chaw! tah rawh, RIP! So Long, Old Bill” tiin a sun thu a ziek.

William hin “The Exorcist” kha Part III chên a ziek a. Novel dang dang “Elsewhere”, “Dimitri”, “The Ninth Configuration and Demons Five”, “Exorcist Nothing: A Fable” tihai khawm a ziek baw a. Novel bâkah film a siem hai chu “A Shot In the Dark”, “The Great Bank Robbery” le “Promise Her Nothing” hai an nih.

Sports:

ENGLISH PREMIER LEAGUE SUPER SUNDAY PREVIEW

Premier League Super Sunday-ah Manchester United khelmuolah Liverpool inzin an tih

English Premier League Super Sunday Match hmasaah Manchester City chu Goodison Park-ah va mikhuol an tih. City hai hi FA Cup tieng an thaw tha hle a, West Ham hai 5-0 tawpa hne zo chauh an ni a, an inring zo hle ring a um. Everton tieng ruok chu Leicester City lakah FA Cup tieng tlawm zo chauh an nih. Manchester City hi tuhini League Table-ah pathumna an ni mek a, Everton tieng khawm pasarina niin top 5 inçhù mek an nih. Everton tieng an player thar Morgan Schneiderlin hmang tangkai ngei tum an ta, chun an Goalkeeper Maarten khawm a thang thei ngei ding beisei a ni baw. City tieng chu an player suongvâwr Ferdinandinho la hmang thei naw baw an tih.



dangha a zâwna wawikuo an hrät zawmna dingin Hull City an hne a. Kha zan khan Juan Mata le Fellaini hai chun goal khat ve ve an thun a nih.

United Manager Jose Mourinho chun, “Duthusamin inkelh tha new inla khawm result ditum tak ei nei hi lawm a um hle a, tukhawm hin Game pawimaw tak khel ding ei ni lei hin hawphur tak le phür takin ei khel ding a nih,” tiin a hrii. Hi zan hin Manchester United-in Liverpool an hne vai chun League tieng point pahni chauh an inthlâu ta ding tina a nih. Tuhin Liverpool hi pahna an ni mek a, United ruok chu parukna an ni ve thung.

Jürgen Klopp le a rawihai – Liverpool hin an game nuhning pathumhaih hratna an chang ta nawh a. Chubakah, game nuhning pahni haih goal pakhat khawm an thun naw baw. Anni khelmuol ngeia Plymouth leh 0-0 in an inangtawk zo charin Southampton chun FA Cup Semi Final First Leg-

langna ding ning a tih.

* Juan Mata chun Liverpool le an inhmason nuhning tak pali haia goal pangaah inhnamnawina a nei vawng. Goal pathum thunin assist pahni a nei.

* Jürgen Klopp chun Jose Mourinho le an intuok nuhning wawurk laiah wawikhat char a hrät naw lem a, wawithum hrät lemin wawihni an in-ang taw.

* Zlatan Ibrahimovic chun United ta dinga wavi 19 an langnaah goal 13 a thun tah a, United ta ding wavi 19 ankhelnaa goal thun rawn lem um sun chu Ruud Van Nistelrooy a nih (Ruud hin United ta dinga an lang hmasa tak game 19 haih goal 15 a thun a nih)

* Adam Lallana chu Premier League goal 14 haih inhnamnawin tuta seasona dinga inhnamnawin rawn tak a nih. (goal 7 le assist 7 a nei tah). Hi kawnga hin ama neka insang lem an um nawh.

* Liverpool ta dinga goal thun tieng panga thaw hlawk em em Sadio Mane chu African Cup of Nations lein inlang thei naw nih.

Premier League Fixture: 15th Jan. 2016 19:00 Everton Vs Manchester City 21:30 Manchester United Vs Liverpool
Primera División Fixture: 15th Jan. 2016 01:15 Deportivo Vs Villarreal 16:30 Valencia Vs Espanyol 20:45 Celta de Vigo Vs Deportivo 23:00 Granada Vs Osasuna 23:00 Gijón Vs Eibar
I-League Fixture: 15th Jan. 2016 16:30 Churchill Brothers Vs Mumbai

ENGLISH PREMIER LEAGUE LE LA LIGA SATURDAY NIGHT EARLY KICK OFF RESULT

Tottenham ropui zana Harry Kane chun Hattrick a siem; Leganes le Athletic Bilbao an inhe taw

Zani Inrinni zan khan English Premier League game inhma Tottenham le West Brom hai an inkelh a. Tottenham chun game iengkimah ro an rel hne hle a. Minute 12 chauh Harry Kane chun goal a thun ngal a. Chu zo mi minute 26 naah Gareth McAuley chun anni goal tieng a thun pal lein Tottenham chun 2-0 in hma an thuo

a. Half chenah a tu tieng tieng khawma goal thun thei bik an um ta nawh.

Half zovah minute 77 naah Harry Kane baw chun goal dang a thunsa a, chu hnung minute 82 naah goal thumna a thunsa lein Tottenham chu chieng takin an hrät ta a nih. Tulai hin Tottenham an che tha hle a, league Leader

Chelsea 2-0 a an hne zo chauhni tuihin 4-0 tawpin hratna an chang nawk a, hi dungzui hin League-ah pahna an inhlangkai ta a nih.

West Brom hai ruok chu tuhina 8-na an ni mek ve thung.

Chun La Liga tieng a 16-na Leganes chun a –pasarina Athletic Bilbao an lo mikhuol a, Leganes ta ding chun relegation

zone maksan veng veng theina hun remchang a ni a, amiruokchu goal an thun thei naw tlat lein an dinhmun pangai chu an la hlui nawk hri a nih. Athletic Bilbao khawm Copa Del Rey tieng an tla fel der zo chauh a ni a, hrät ngei tumin thang an lak a chu an hrät zo bik naw lein a pasarina chenah an lung an sukawi hri a ngai a nih.

Kensington Palace Ah Innei Thei



LONDON: Britain lalnu abikin William le Kate hai chengna lal in Kensington Palace-ah innei nuomhai chun Biekin le mo lăwmna hmun dinga siem Orangery hawa innei thei a nih. Hăwmnan ruok chu a tam ang reng hle, Inrinni or Sunday ah (ni khat) i hmang nuom chun \$23,100 (Rs. 15 lakh vël) a nih. Chu po chun wedding planner, taxi service, daytime cleaning, on-site security le Kensington Palace lut theina ding private entry hai i dawng ding a nih.

nghâl baw.

The Orangery hi 1704 kuma Queen Anne-in Sêrthlum le parte chi hran hran collection a thawhai siena dinga bawl a nih. Tuhin chu restaurant anga siemin thla tinin ni khat chu Inneina or mo lăwmna dinga haw thei dinga buotsai a nih. Prince William hai nupa le Prince Harry hai umna Kensington Palace sunga Kensington Garden zawn char um a nih a. Kum tinin event 50 vël a um hlak. Ni kum khan Nicky Hilton le James Rothschild hai khawm an lo innei tah.

Hi bâka hin Kensington Garden sùng le Palace sùnga Cupola Room, the King’s Gallery, Drawing Room le Entrance Hall hai khawm haw thei a nih. Mikhuol 80-1000 chen an um thei a nih. Model Poppy Delevingne le James Cook hai khawm 2014 khan hilai hin an lo innei tah.

Ed Sheeran Hlahai Top 1 & 2 Kai

LONDON: British hlahakhiem Ed Sheeran hla thar (singles) pahni, “Shape of you” le “Castle On The Hill” hai chu UK Singles Chart ah No.1 le No.2 an kai ve ve ngâl. History ah artist-in hla thar ruo la tham lo hmanga Chart top pahniha a lak ve vena hmasatak a la nih tiin Official Charts Company chun a hrii.

Ed Sheeran chun, “Ka hla thar pahniha Top an hang kai ve ve hi chu ropui le mak ka tih taluo, ka hnukin a mi ul hiel a nih” tiin a hrii. “Shape of You” hi hla inçhawm (bouncy), le music inrang (uptempo) popular hla a nih a, internet ah wavi 13.4 million ‘stream’ (en or ngaihlak) a nih. “Castle On The Hill” hi dar vuok ri (chiming) ang deuh, U2-style guitar riff a nih a, wavih 11.07 million zet en a nih. A album Vol.3 khawm sawnawtea tlângzarh beisei a nih. Tuta Top Five Singles chu a hnuoia ang hi a nih:

1. Ed Sheeran Shape Of you Castle on The Hill
2. Ed Sheeran Human
3. Rag N Bonoe Man Human
4. Clean Bandit ft Anne Marie and Sean Paul Rockwave
5. Little Mix Touch

Rafael Nadal: Donald Trump a ditzawng mi an nawh



Tennis player Rafael Nadal chu US president-elect Donald Trump nekin Trump sukbona dinga Golden Globes ceremony buoitsaitu Meryl Streep a

hrii peinaa chun “Trump in campaign a nei lai khan United State-ah ka um vea, a thil fepu dan le a thu hrii dan hai hi kan milpui zawng an nawh. US politics a dingin mi suongum bek bek an nawh. Chuonglaizing chun khingpui hnea um Democratic candidate Hillary Clinton khawm ka ditzawng ani chuong bik nawh” tiin a hrii. Season hmasa khan insukpal lein inkelh theinaw sien khawm World No.1 lo ni hlak Nadal hi hung tling Australia Opena inkelh dingin inpeisa diema um an thar, Nopui khawm a dawm ngei beisei a nih.

Wrestler Narsingh Yadav a thiemthu CBI-ah an thlun



Indian wrestler damdawaih inhnamnawia ringhla kai, Narsingh Yadav chun a thiem thu inrinni khan Central Bureau of Investigation(CBI) kuomah an thlun. Ringhla a kai lei hin Rio Olympic a khan 74 kr freestyle wrestling hai chen inkelh thei loa um a nih. Media hai hriid dan chun CBI kuoma a thu inthluna-a hin Rio Olympic a thang theinawna ding hin wrestler dangin a bu fak le a thil dawna haih mixed narcotic le phallo thil dang dang hai alo chawlpawlin a hrii. Chu bakah Sports Authority of India (SAI) hostel aum lai khan a thil fak ding haia thil thalo dang dang pawlin a um ti a ni baw, amiruokchu hi thil hi sukchinga dingin eing-khawm evidence a nein aw tiin media hai chun an hrii. Narsingh hi June 25 le July 5, 2016 khan Methandienone testa alo positive ve ve ta, chulaizingin ring-mawna lein National Anti-Doping Agency (NADA) hai chun a thil ngena hai

pawmpekin anlo inthl zalta a nih. Amiruokchu thiem changna NADA bula an thlun le inzawmin World Anti-Doping Agency hai chun doping case lein kum 4 sung inkelh theilo dingin Court of Arbitration for Sport (CAS) kuta an pekdaw nawk a nih. Narsingh case hi Haryana Government hai ngenna lei le Government of India hai thu inhrietirma dungzuin CBI hai chun case hi an registered October 18, 2016 khan hma an lak tan a nih. Case registered ani lai hin Official thinkhat hai chun Haryana Police hai FIR thelut case dang investigator hai kuta hin registered-sain a uma, chutaka chun Narsingh case le inzawma suksuolta ngei Jitesh chun Sections 120-B (criminal conspiracy, 328 (poisoning) le 506 (criminal intimidation) of the Indian Penal Code (IPC) hnuoih thiem-naw inçhangtir anih, tiin an hrii. Narsingh chun intuma a umna hai po po chun hung inking pein wrestling a hung inkelh thei nawk vat a beisei thu a hrii.